


Imani La Nga Ta Ndzi Kutsula ?

Hi Sonta rinwana a ndzi ri karhi ndzi dyondzisa Evangeli leyo hmarisa emutini wa hosi yinwana kwale Risutho. Ntshungu lowo tala a wu hlanganile kunwe ni hosi, ni nkosikazi wa yona, eku ta yingisa Rito ra Xikwembu. Ri nga Rito leri hanyaka, leri nga ni matimba, leri karihaka ku tlula tlhari leri nga ni vukari hi matlhelo mambirhi, ri tlhavaka ku ya fika endzeni ka timbilu ta vanhu.

Kaku loko ndza ha dyonzisa, nkosikazi wa hosi leyikulu, yena hosi ya xisati, a sungula ku rila swinene. Kutani a suka a yima, ni mihloti yi ri karhi yi xiririka emarhanweni, a ku: **“I mani la nga ta ndzi kutsula? Ndzi pfuneni, mbilu ya mina ya vaviseka swinene, ndzi munhu wa khombo leronghasi. I mani la nga ta ndzi pfuna? I mani la nga ta ndzi kutsula entlhanwini lowu wa vudyoho? Ndzi ta endla yini xana? Hinkwenu ma ndzi tiva, hi mina nsati (nkosikazi) wa hosi, na swona, ndzi unwana wa vavasati wa xikhongelo. Swa tlula makume mambirhi ya malembe ndzi ri karhi ndzi nghena kereke, kambe hinkwaswo swilo leswi, a swi ndzi pfunanga nchumu, swi nga ka swi nga ndzi ntshunxi, xidyoho xi ndzi bohile. Ndzi munwi, ni mudlayi. Mavoko ya mina ma nyamisiwile, ma bihile, hikuva ma le ntirhweni**

IMANI LA NGA TA NDZI KUTSULA ?



La dyohaka i wa Diabolos. 1 Yohane 3:8.

wa ku endla byalwa – swakunwa leswi nga lavekiki! Xidyoho xi ndzi bohile mavoko ni milenge, ndzi mubohiwa wa Tihela!”

Kutani a rila swinene kambe hi ku bokoxa, loko a ri karhi a tshama hansi, a ku: “Ndzi pfuni! Ndzi pfuni! I mani la nga ta ndzi kutsula? I mani la nga ta ndzi kutsula etimpencaneni ta vudyoho xana? Ndzi rhandza Xikwembu, kambe xidyoho xa ndzi furma, xi ndzi kokela etiheleni. Ndzi dlayile nwana wa mina wa mativula wa mufana, kutani a fa. Oh, ndza kombela, ndzi pfuni, ndzi kutsuli erifuni leri! Vuhedeni a byi ndzi pfunanga nchumu. Na byona vukhongereri a byi ndzi pfunanga. I mani la nga ta ndzi pfuna? I mani la nga ta ndzi kutsula xana?”

Ndzi nwi hlamula ndzi ku: “Ku rhula a ku ve na wena. U nga vaviseki. Khombo ra wena i ra unwana ni unwana. Buklu ya Xikwembu, Biblele yi nyika nhlamulo ehenhla ka xirilo xa mbilu ya wena. Va-Roma 7:15-25, ya hi byela hi laha xidyoho xi hi fumaka ha kona, kambe yi tlhela yi hi byela ta Unwana la kotaka ku hi kutsula.”

Hikuva ndza swi tiva leswaku leswinene (hi leswaku nyama ya mina) a swi akanga ka mina; ndzi rhandza ku endla leswinene, kambe matimba ya ku swi endla a ndzi na wona. Hikuva leswinene leswi ndzi swi rhandzaka, a ndzi swi endli, kambe ndzi endla leswo biha, leswi ndzi nga swi rhandziki. Vudyoho lebyi akeke ka mina, bya ndzi boha ku endla leswo biha mikarhi hinkwayo, kutani leswinene, leswi ndzi rhandzaka ku swi endla, a ndzi swi endli. Hikuva ndzi tsakela nawu wa Xikwembu hi munhu la nge xikarhi ka mina; kambe ndzi kuma nawu wunwana eswirhweni swa mina, lowu lwaka ni nawu wa ku titivela ka mina, wu ndzi bohelelaka enawini wa vudyoho. Sweswi kumbe nkarhi lowu taka, xirilo lexi xi ta va kona embilwini ya unwana ni unwana – “Yo! ndzi munhu wa khombo leronghasi! I mani la nga ta ndzi kutsula?” Loko hi huwelela ka Xikwembu, xi ta hi hlamula, kutani xi va xi hi kutsula.

NHLAMULO

“Ndzi nkhensa Xikwembu ha Yesu Kriste.” Rom. 7:25.

“Hikwalaho loko Nwana a mi kutsula, mi ta va mi kutsuriwile ha kunene.” Yohane 8:36.


Yesu i nhlamulo eka swivutiso hinkwaswo swa hina. Wa ha ri nhlamulo ne ka xivutiso xa wena. Kutani a ku na ku hlayiseka kunwana, hikuva a ku na vito rimbe ehansi ka matilo, leri nyikiweke xikarhi ka vanhu, leri hi fanelaka ku hanyisiwa ha rona. (Mitorho 4:12). I Yesu ntsena, la nga ku ponisaka evudyohweni. Hi yona ngati ya yena leyi halakeke xihambanweni leyi swi kotaka ku hi hlantswa eswidyohweni hinkwaswo. A ku na n'anga; hambu wu ri murhi, kumbe mungoma, kumbe munhu, kumbe muchumayeri,

kumbe mufundzisi, kumbe kereke leyi nga ta ku ponisa evudyohweni, kambe i Yesu ntsena, Xinyimpfana xa Xikwembu lexi susaka swidyoho swa misava, la nga ta ku ponisa hi ngati ya yena, ni hi matimba ya Moya wa yena.

Yesu, Nwana wa Xikwembu o tile misaveni leyi "ku ta hanyanyisa mahlo ya lavo-fe-mahlo, ni ku humesa khotsweni lava khomiweke, ni lava tshameke munyamani ehandle ka yindlu ya khotso." (Esaya 42:6,7). Yesu a ku: "Unwana ni unwana la dyohaka hi xidyoho, i khumbi ra xidyoho, kambe loko Nwana (wa Xikwembu) a mi kutsula, mi ta va mi kutsuriwile ha kunene." (Yohane 8:34-36). Yesu i ntiyiso lowu ntshunxaka.

Yesu, Nwana wa Xikwembu o titekele hinkwaswo swidyoho swa hina emmirini wa yena, exihambanweni. Hinkwaswo swidyoho swa wena swi beleriwile exihambanweni. "Kunene o hi tekerile mahlomulo ya hina. Kambe yena o tlhaviwile hikwalaho ka swidyoho swa hina, o tshoviwile hikwalaho ka ku homboloka ka hina, mimpfembeti leyi hi nyikaka ku rhula yi le henhla ka yena, kutani hi tshunguriwa hi timbanga ta yena. (Esaya 53:3-7).

NDZI NKHENZA XIKWEMBU HA YESU KRISTE.



La ntshunxiwaka hi Nwana (Yesu) o ta va loyi a ntshunxiweke ha kunene. (Yohane 8:36).

Barabas a a ri mudyohi, ni mudlayi la nga vuya a avanyiseriwa rifu. A a fanekele hi ku vambiwa, kambe Yesu o vuye a va ematshanweni ya yena, kutani a rhwala ni xihambano lexi ingi ku vambiwile Barabas eka

xona. Yesu, Nwana wa Xikwembu. o vambiwile ematshanweni ya Barabas. ne matshanweni ya wena na mina; mudlayi o ntshunxiwile, hikuva o kona unwana la nga fa ematshanweni ya yena. Wena na mina hi fana na yena Barabas.

Hakelo ya xidyoho i rifu, kambe ku nyika ka tintswalo ta Xikwembu i vutomi lebyi nga heriki, ha Yesu Kriste. Loko kunene u languta hi ripfumelo exihambanweni xa Kriste, u ta tivona wena nwinyi kunwe ni swidyoho swa wena swi beleriwile xihambanweni. Yesu tekile vutshamo bya wena exihambanweni, leswaku wena u hanya hi laha ku nga heriki. O halatile ngati ya yena eku rivalela swidyoho swa wena. Hikuva Xikwembu xi ku rhandzile xi ko xi nyika Nwana wa xona, leswaku u nga tshuki u lova, kambe u kuma vutomi lebyi nga heriki. Endzhaku ka loko nsati wa hosi a twile marito lawa hinkwawo, a pfumela eka Yesu, a nyiketa mbilu ya yena ka yena, a nga yena la nga nwi fela xihambanweni, ni la halateke ngati ya yena leyo hlawuleka, leswaku a hlantswa swidyoho hinkwaswo swa mbilu ya yena. O nyiketile mbilu ya yena leyo biha eka Xikwembu, kutani xona Xikwembu xi n'wi nyikile mbilu leyintswaha, xi va xi nwi tatisa hi Moya lowo Kwetsima wa xona. A xi lo nwi rivalela swidyoho hinkwaswo swa yena ntsena, kambe xi tlhele kambe xi nwi kutsula ematimbeni, ne mfunweni wa vudyoho. Kusukela nkarhi wolowo, o hanyile malembe layo tala evutomini lebyo saseka, lebyo tenga, ni lebyi nwi nyikeke ku hlula. A nga ha nwi byalwa, ni fole a nga ha dzahi, hambu leri hisiwaka, kumbe ro siriwa; kambe o tihanyela vutomini lebyinene, kutani i mboni eka leswi nga swa ntiyiso, leswaku kunene loko munhu o le ka Kriste, i xivumbiwa lexintswaha; "swa khale swi herile, hinkwaswo swi sasekisiwile." (2 Korinto 5:17).

Na wena mudlayi, u nga kuma ku ntshunxiwa ntsena hi ku pfumela eka Yesu Kriste. Yesu a ku: "Tanani ka mina nwina **hinkwenu** lava karhaleke, ni lava tikeriwaka, ndzi ta mi wisisa." Tana ka Yesu u ri tano, hambu u nga va kwihi na kwihi. Tana u nwi hlalela hinkwato ta vudyoho bya wena, ni ku karhateka hinkwako ka wena. Kutani yena a nga ka a nga ku hlongoli, loko u ta ka yena hi ku titsongahata, ni hi mbilu ya ripfumelo. Kumbe swi nga va leswaku u xirho xa khale xa kereke, kasi u bohiwile evudyohweni. Tana ka Yesu, o ta ku ntshunxa hi ku hatlisa kukotisa loko a hanyisile munhu wa nhlokonho, ni lowo-fe-mahlo. Yesu wa ha ri yena kukotisa tolo, a nga hundzukanga, kutani a nga hanyisa mbilu leyi nga ni gome, a ntshunxa mubohiwa. Na hina, hi tsakela ku twa ta wena.

J.R. Gschwend.

For **free** Gospel literature, books and tracts in over 540 languages, write to:

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)